

# Vigeli Valier-Berther, Camischolas



(Sd) Cuort temps suenter haver cumple-niu igl 84avel natalezi ha nies convischin da Camischolas, Vigeli Valier-Berther, surdau sia olma al Tutt-pussent. Suenter liung temps da pitir e suf-frientscha ha el bandunau ils ses ruas-seivlamein e bein provedius culs ss. sacraments da nossa religiun. Siu liung viadi terrester ei alla fin. Ils 28 da november 1986 ha in grond diember da parents, vischins ed enconuschiens accumpignau il car defunct alla fossa sin santeri sper la baselgia da s. Vigeli a Sedrun. Il chor da baselgia ed il chor mischedau prendan cumiau da lur premurau commember d'honor cun embellir il survetsch divin e cun entgi-nas canzuns commuentontas.

Vigeli Valier ei naschius ils 18 da set-tember 1902 ella biala ucliva da Camischolas. El era il senior dils 8 affons da Vigeli e Marta Valier, nata Beer. Ils geniturs fagevan il pur. Gia sco buob da scola ha ei giu num segidar cun la famiglia. Duront la stad (1913–1917) anfla ins igl uerbel giuvenet ad alp sco paster pign. Probabel han quels onns dau la decisiu per l'elecziun dalla clama da purila.

Alla fin dall'emprema uiara mundiala serenda Vigeli a Lucerna per empre-

der tudestg e per seperfecziunar en sia clamada. Suenter tucca ei da star in pèr onns a casa e luvrar egl agen menaschi puril. Siu giavisch eisi denton da far vinavon empau practica e rimnar enconuschienschas pigl avegnir. El anfla ina buna piazza sin in bein pu-ril a Schattdorf (1923–1927). Cheu s'ac-climatisescha el stupert ed ei sco da casa. Cun plascher, gie cun veritabel entusiasset; raquintava el adina pu-spei da sias lavurs ed aventuras leuvi el cantun Uri. Ses raquens eran aschi precis e detagliai, ch'ins stueva sez se-perschuader digl emperneivel am-bient e clima da lavur sco era dalla at-taschadad dil survient e dil patron in per l'auter, lu era dallas bunas rela-zions cul pievel uranes. Las numeru-sas visetas neu da Schattdorfein il me-glier mussament ch'il giuven Tu-a-tschin era respectaus. Savens deva ei era cuntervisetas.

Suenter siu retuorn a casa lavura el egl agen menaschi puril da famiglia. Per segidar cun las finanzas seplade-scha el plirs onns ad alp sco signun (1932–1936). Ei fuva onns maghers. La rendita dil puresser era pintga ed ord quei motiv enqua Vigeli in gudogn suppletar. El sedecida da far il marcadont da pors. Cun perseve-ronza, lavur e probabel era cun em-pau diplomazia grischuna reussescha ei ad el d'acquistar ina pulita clientella en nossa regiun, oravontut el cantun Uri. El decuors dils onns daventa el in ver e capavel marcadont. Igl ei ina clama da che pretendia fetg gronds sacri-

fecis. Cun predilecziun relatava il Vi-geli da strapazs e dallas numerosas difficultads ch'il transport dils tschins sur l'Alpsu caschunava als marcadonts, tuttavia all'entschatta dalla se-siun da purschals, el meins da mars, cura ch'il Cuolm fuva cuvretgs cun nevadas naven da Tschamut ento-chen ad Ursera. Cun agid dils vischins da Tschamut pertavan els ils pur-schals en sacs (il bia 3 purschals, 30–35 kg) ento-chen sigl ault dil Cuolm e da leu naven cun sliusas da corns. Mal-grad tuttas stentas eran ils marcadonts generalmein cuntents ed havevan bien humor.

Cuort avon che sespesar cun la giuvna Anna Berther e fundar in agen tener-casa baghegia Vigeli – ensem en siu frar Giachen Martin – ina gronda e biala casa dubla en lur vitg matern. La lenna per quei casament peinan e ru-nan els ord la Val Gierm.

Vigeli ei staus in um cun in natural cur-teseivel e beinvlulent, in original che lai anavos ina gronda largia en nos vitgs. – Tier tut sia gronda truscha ha-veva el adina peda da segidar cul con-vischin. Ella lavur anflava el cunten-tientscha e satisfacziun. Perquei gu-deva el da tuttas varts stema e simpatia. Per sia consorta Anna e per sia fe-glia Lisabet eis el staus in bien mariu e bab; mo era elllas e las sis beadias han fatg bien cul car defunct. Ruasseivla-mein ha el bandunau quest mund, sa-tisfatgs da haver surviu a Diu ed als concarstgauns tenor meglier saver e puder. Il Segner detti ad el la pagaglia merิตada.

GR 16.1.87